

Liedjesreglement

Motto 2019-2020 "Bliërick Kleurt!"



Belangrieke data:

- Sloetingsdatum inschriëving: 7 juli 2019
- Inlevere gevraagde bestande via internet (Wetransfer), e-mail of CD: 7 juli 2019
- Rippetitie veurselektie: dónderdaag 22 augustus 2019
- Veurselektie: maondaag 26 augustus 2019
- Liedjesmatinee: zóndaag 29 september 2019

Óg tekste en meziek kint geej insteure

- via e-mail: liedjes@wortelepín.nl
- Wetransfer.com
- of aafgaeve beej:

Joyce Smeets
Nieuwborgstraot 33b
5921 XM Bliërick
0634315466
E-mail: liedjes@wortelepín.nl

Inzende van de liedjes:

1. Insteure of aafgaeve op baovestaond adres met inachneming van de sloetingsdatum. Alle benuuëdigheden: -teks, en -opname van 't liedje, kinne via 't inschriëfformulier of per e-mail (liedjes@wortelepín.nl) ingesteurd waere, via "Wetransfer" of aafgegaeve waere op baovestaond adres, met inachneming van de sloetingsdatum.
2. D'n oproop veur de liedjes, danwal de sloetingstermien zal in 'n plaatselik daag- of waekblaad en op de website www.wortelepín.nl bekind waere gemak.
3. De sloetingsdatum is d'n aangegaeve daag um 24.00 oor ofwal de officiële posbestelling van daags daarop.
4. Alle inzenders kriege berich van óntvangs van eur inzending(e), met daobeej informatie euver de veurselektie en oefensessies met de door Vastelaovesgezelschap 'de Wortelepín' ingeheurde technicus veur de veurselektie en/of ierste prissentatie aan de jury.
5. De liedjes mótte origineel zien van teks en meziek en meuge neet ierder aan ein of andere kompetitie hebbe meigedaon.
6. Tekste dene te waere ingedeend in algemeen beschaaf Bliëricks. As tekste of deile heejvan neet korrek zien naor meining van Vastelaovesgezelschap 'de Wortelepín', dan zulle de inzenders heejvan mondeling op de huuegte waere gebrach en in de gelaegenheid waere gesteld um de teks zoë meugelik aan te passe.



7. De inzending deent te bestaon oët:

- 'Teks in 'n Word bestand, behurend beej de pianopartiej. De ingeleverde teks zal in 'n standaard opmaak gezatte waere en daornao óngewiezig waere aafgedrök in 't teksbukske.
- 'n Opname bestaonde oet WAV of MP3 bestande, in eige behier opgenaome, waarop 't liedje steit in de volgende versies:
 - Instrumentaal
 - De verkorte versie
- Midifile van de orkesband. (optioneel) Of: orkesband op noeëteschrijf (Sibelius of Finale) (optioneel)
- Wannier d'r gen midifile of partituur meigeleverd is, wuurt 'n zoeë good meugelik klinkend arrangement gemak, raekening haldend met de orkesband.

8. Veur de verkorte versie gelde de volgende twieë meugelikhede:

1. 't Liedje begint nao de intro met 't refrein.
De verkorte versie wuurt dan: refrein – koeplet – refrein – eventueel brök / modulatie – refrein.
2. 't Liedje begint nao de intro met 't koeplet.
De verkorte versie wuurt dan: koeplet – refrein – eventueel brök / modulatie – refrein

9, Op meziek en tekspepeer meuge gen name vermeld staon. Op 't aanmeldingsformulier deent dudelik te waere aangegaeve:

- a. Naam, til.nr. en e-mail van de komponis
- b. Naam, til.nr. en e-mail van tekstdichter
- c. Naam, til.nr. en e-mail van de leadzanger/kóntakpersoën

Let op: As d'r 'nne groep zingk, dan gaer van de euverige zangers allein de naam en 't email van dees groepsleje.

Moch geej probleme hebbe met 't in eige behier make van de opname of met 't arrangement, dan wille weej óch gaer de helpende hand beje. Dit kint geej kinbaar make via 't e-mailadres liedjes@wortelep.nl.

Veurschrijf t.a.v. 't liedje

1. As 'n liedje gekaoze is um door te gaon naor 't Liedjesmatinee, dan meug dit neet mier tekstueel of instrumentaal gewiezig waere. De inzending is dan zoëdanig bindend in 't gehiele vervolgtrajek.
2. T.a.v. de lingkte van 't liedje gelde de beperking det max. 3 koeplette en 1 refrein gezóonge meuge waere, waobeej Vastelaovesgezelschap 'de Wortelep' zich 't rech veurbeheld um, i.v.m. de samestelling van de geluidsdrager, 1 koeplet te laote vervalte.

Veurschif t.a.v. tekstdichter en/of komponis

1. 'nne Tekstdichter(es) en/of komponis meug met maximaal 4 inzendinge aan de veurselektie meidoon.
2. De liedjes meuge allein ónder eige naam van tekstdichter en komponis waere ingedeend, dae is bindend.

Veurschif t.a.v. zanger/oëtveurende

1. De zanger meug maximaal 3 kier as oetveurende aan de veurselektie meidoon.
2. De minimum laeftied veur deilname is 16 jaor.
3. De veur 'n liedje opgegeave naam van de oetveurende persoeën is bindend.
4. Liedjes kinne door maximaal 6 persoeëne waere geprissenteerd, waarbeej eventueel óndersteuning van 'n koeër is toegestaon, nao oetdrókkelike toestumming van Vastelaovesgezelschap 'de Wortelepín'.

Veurselektie algemeen

1. Veuraafgaond aan de veurselektie zal 'nne rippetitie-aovend gehalde waere.
2. Toegang tot de veurselektie hebbe de op 't inschriefformelier vermelde tekstdichters, komponis en oetveurende en verder de jury, technicus (aangesteld door Vastelaovesgezelschap 'de Wortelepín'), de arrangeur, 'n vertaegewoordiger van de Hofkepel, 't Bestuur van Vastelaovesgezelschap 'de Wortelepín' en leje van Vastelaovesgezelschap 'de Wortelepín' die vanoet eur taak daorveur zien aangeweze.
3. De volgorde van de liedjes op de veurselektie zal door Vastelaovesgezelschap 'de Wortelepín' waere bepaold. Discussie heejeuver is neet meugelik.
4. De liedjes zulle 2 x waere gezónge, waobeej in de 2e rónde 'n verkorte versie.
5. Oet alle vertolkte liedjes waere d'r 11 liedjes gekaoze door 'n stungerechtigde jury, die oet 7 Minse besteit. De 7-koppige jury is door Vastelaovesgezelschap 'de Wortelepín' samegesteld.
6. Nao d'n oetslaag zal door loeëting de volgorde van optraeje op 't Liedjesmatinee waere vasgesteld, waarbeej Vastelaovesgezelschap 'de Wortelepín' zich 't rech veurbeheld um de volgorde in euverleg te verandere, as dit 'n baeter verloup van 't Liedjesmatinee tot gevolg zal hebbe.

Liedjesmatinee

1. 't Liedjesmatinee zal plaatsvinde op 'n door Vastelaovesgezelschap 'de Wortelepín' te bepaole datum en tiedstip.
2. De deilnemers, tekstdichters, komponiste, oëtveurende hebbe de meugelikheid um 20 kaarte per liedje te risservere.
3. Zoeë dök as Vastelaovesgezelschap 'de Wortelepín' 't nuuedig ach zal d'r 'n rippetitie met de Hofkepel veuraaf gaon aan 't Liedjesmatinee.
4. De liedjes waere gezónge (wie op de veurselektie) in 2 róndes. Waobeej in de 2e rónde de verkorte versie, wuurt oëtgeveurd.
5. Beïnvloeding van jury en/of publiek door middel van kleiding, attribute, in welke vorm dan ouk, is neet toegestaon.

6. De indoetslaag zal tot stand kómme op basis van de jury-beoordeling in combinatie met de aanvöllende oetslaag van de keuzes van 't publiek in de zaal.
7. 't Oetgebrachte puntetotaal van de vakjury en van 't publiek van iddere deelnemer, zal nao telling aan 't publiek kinbaar gemak waere.
8. Zoeë kómme weej tot de 4 winnende liedjes met de nummers 1, 2, 3 en 4, die dan ouk zoeëdanig waere oetgebrach. Taeves waere de plaatsnummers 5 t/m 11 bekind gemak.

Verplichtinge van de winnaers

1. Alle winnaers (1 t/m 4) verplichte zich alle door Vastelaovesgezelschap 'de Wortelepín' georganiseerde evenemente van 't betreffende Vastelaovesseizoen op te luustere, veur zoeëvaer Vastelaovesgezelschap 'de Wortelepín' det nuuëdig ach. Te raekene is met:
 - Inschete
 - Bliërick Trap aaf
 - Swaree
 - Zónnendaag
 - Gaejerprissentatie
 - Dames- en Hiërezitting
 - Seniore zitting
 - KinderFamilieZitting
 - Receptiezóndaag
 - Groeët Gala Worteletruuj (allein liedje 1)
 - Vastelaoveszóndaag
 - Rouse in 't Raodhoes (Vastelaovesmaondaag)
 - Vastelaovesdinsdaag
2. Alle winnaers verplichte zich tied te rissereve um alle rippetities beej te woëne, die nuuedig zien veur 'n good verloup van eur optraeje.
3. Alle winnaers verplichte zich beej eur optraeje te verschiene in gepaste, gen aanstoeëtgaevende kleiding. Spijker- of vrejetiëdskleier waere as óngepas beschouwd. Op 't Swaree en 't Groeët Gala Worteletruuj waere de hiere geach in smoking en de dames in aovendkleiding te verschiene.
4. Door inzending van 'n liedje en door deilneming aan veurselektie of Liedjesmatinee, gaon de deilnemers akkoord met de veurwaardes, gesteld in dit reglement.

Algemein

In zake waarin dit reglement neet veurzuut, beslist de Organisatie Kemissie van Vastelaovesgezelschap 'de Wortelepín'.

Heb geej vraoge, hetzij euver meugelikhede, ondudelikhede of andere zake, dan kint geej kóntak opneme met Joyce Smeets, til.nr. 06-34315466 of e-mail: liedjes@wortelepín.nl.